

Le comté de Kibourg.

Hartman comté de Kibourg le plus aagé ou l'ainé & dernier de ceste famille, après sa mort laissa sa femme qui estoit comtesse de Sauoye, & vne fille vniue nommée Elisabeth. Du temps quil viuoit encore, il auoit donne a l'euesque de Strasbourg, la comte de Kibourg & la comte de Bade item la ville de Vuintertur, & quelques



autres seigneuries en Thurgœu & Ergœu, & depuis reueut de rechef ces mesmes seigneuries en fief pour soy & ses heritiers tant masles que femelles. Il ordonna aussi par son testament, que sa femme tant qu'elle viuroit, iouyroit par forme d'usufruit de la comté de Bade & de quelques autres seigneuries & heritages. Mais le comte Raoul chassa ceste veue, & s'empara de toutes ces terres. Le comte de Sauoye voyant cela, fut marry & voulust chasser Raoul de ces seigneuries, mais il ne le peust. Par ce moyen Raoul comte de Habsbourg vsurpa beaucoup de terres & seigneuries, lesquelles ont este depuis de rechef ostées aux princes d'Autriche au concile de Costance, a scauoir l'an 1415. La dite comtesse Elisabeth fille du comte Hartman estoit vraye heritiere apres la mort de la mere, mais pour ce que la comte de Sauoye, & le comte Raoul de Habsbourg auoyent dissension l'un contre l'autre pour ces seigneuries la, la fille legitime heritiere fut priuée de sa seigneurie. Elle retint seulement les heritages & possessions qui luy estoient deuz de son patrimonie en Vchtland & la petite Botrgongne, a scauoir les villes de Thun & de Bourgdorff avec leurs appartenances,

Le cote Raoul augmente sa seigneurie

lesquelles son pere Hartman le plus aagé ou l'ainé auoyt eues de droit hereditaire de Hartman le plus ieune ou puinne comte de Kibourg, la mere duquel auoit este sœur de Berthoul qui fut le dernier duc de Zeringen. Ceste Elisabeth fust mariée a Eberhard comte de Habsbourg, nay en Lauffenberg, qui estoit cousin germain du comte Raoul, & vsurpoit le tiltre de la comte de Kibourg a cause des seigneuries de sa femme, combien que de son coste il n'eut aucunes terres. Du teps de Raoul comte de Habsbourg l'euesque de Basle auoit quelque iurisdiction en la ville de Brisac. Or d'autant que pour lors l'empire estoit sans chef legitime, qu'un chascun cerchoit son profit particulier, & de tirer a soy ce qu'il pouoit, Raoul comte de Habsbourg entra par force soudainement & a despourueu dedans la ville de Brisac, & tascha a vsurper les droitz de l'euesque. Mais l'euesque & les bourgeois de Brisac luy contredirent & finalement l'acord fut fait, que l'euesque donneroit mille marcs d'argent a Raoul. Lors l'euesque consentit d'en donner 900. & le cote les ayant receuz, laissa la ville & le chasteau en liberte a l'euesque. L'an suyuant, a scauoir 1276. Le cote Raoul trouua moye de faire vne autre exaction a cause de certains differenz qu'il auoit avec cest euesque de Basle; par quoy l'appointement fut fait de ces differenz pour cent marc d'argent, lequelz l'euesque bailla, & par ces deux princes furent reconciliez. L'an 1267. le comte Raoul ayant de rechef affaire d'argent, print nouvelle occasion contre l'euesque de Basle, nommé Henry de Neufchastel, & le voulut pincer de rechef luy demandant 200. marcs d'argent. Mais l'euesque luy feit ceste responce. Jusques cy j'ay voulu entretenir la paix avec le comte Raoul, & pour ce faire, ie luy ay donne argent par trois fois, ie ne pourroye pas tousiours estre son argentier. Cest euesque estoit de grande & noble race. Car son pere Vdalric comte de Neufchastel eust 4. filz & 4. filles. Les heritiers succedantz a leur pere partirent entre eulx ses biens, l'un fust comte de Neufchastel, l'autre comte d'Alberg, le 3. fut comte de Nidouu, & le 4. ce fut cest Henry euesque de Basle, qui auoit grande affinite & de beaucoup d'endroits avec ledit Raoul comte de Habsbourg. L'une des filles fut mariée au baron de Granfon, l'autre espousa le comte de Dockembourg, la 3. fut femme du seigneur de Rœtelen, & la 4. fut mariée au baron de Regensperg. L'euesque donc appella a son ayde toutz ceulx cy qui estoient

La seigneurie de l'euesque de Basle.

La guerre cō-
tre l'Abbé de
S. Gall.

stoient ses parentz & alliez contre Raoul: il eust aussi de son costé la ville de Basle, de Neufchastel sur le Rhein, Rheinfeld, & Brisach, & par ce moyen il se depestra des mains de Raoul son aduersaire. Ce cōtre Raoul eust guerre aussi cōtre l'Abbé de S. Gal, & contre deux comtes de Döckembourg, qui estoient nepueux de l'euesque filz de sa sœur. Ce pendant l'euesque de Basle & les bourgeois descendirēt contre Blodelzheim, qui estoit vne place appartenante à Raoul de Habsbourg, laquelle il auoit nagueres fortifiée de murailles & fosses & la saccagerent, ilz demolirent aussi la tour d'Orhmarshheim & quelques autres places au Landgrauiat d'Alsace, qui appartenoyent à Raoul, & principalement le chasteau de Hertenberg, qu'il auoit fait bastir de nouueau, fut rase iusques aux fondementz de par eulx. Oultres plus ilz allerent assaillir le chasteau de Rheinfeld, qui estoit basti sur vne roche au milieu du Rhein, ilz le prindrent, & y mirent garnison. Ce pendant le comte voyant toute la charge de la guerre tomber sur luy, feit appointment avec l'Abbé de S. Gall, & d'ennemys' en feit vn amy, à fin qu'il peüst plus facilement dompter l'euesque de Basle, & donner secours à quelques gentils hommes & citoyēs que l'euesque auoyt chassés de la ville de Basle a cause de luy. L'euesque preuoyant ce qui deuoit aduenir, donna la trouille à l'Abbé, car il surprist quelques charrois de vin que l'Abbé faisoit amener du pays d'Alsace. L'Abbé sentant l'outrage que luy auoit este fait, ioinit son armée avec celle de Raoul pour gaster les terres del'euesque de Basle. Mais l'euesque avec les cytoyens de Basle, de Neufchastel sur le Rhein, de Rheinfeld & Brisach vint au deuant d'eulx, & ne se fut point de donner la bataille, si quelques amys des deux costez ne se fussent mis entre d'eux appaiser ce different. Toutesfois le cōtre de Habsbourg ne laissa point pour cela d'enuahir & molester l'an 1270, & 1271 les terres del'euesque de Basle. En ce temps là il y auoit deux bandes ou factions en la ville de Basle, les vns portoyent en leur enseigne, vn perroquet, les autres vne estoille. Ceulx qui portoyent le perroquet, fauorisoient à l'euesque, & ceulx qui portoyent l'estoille, soustenoyent le comte Raoul. Et chascune bande auoyt aussi ses intelligences & aydes hors la ville. L'an 1272 le comte Raoul assiegea le chasteau de Tuffenstein, quel'euesque auoit achete & fait refaire. Ce mesme an le feu se print en la ville de Seckingen, & n'es fallu gueres que la ville ne fut toute bruslée, en laquelle le comte Raoul auoit mis garnison pour assaillir & destrouffer ceulx de Rheinfeld, & principalement ceulx qui estoient du party de l'euesque de Basle. Or estant le feu à Seckingen, l'euesque & ses gentz entrerent dedans, & acheuerēt de saccager ce que le feu n'auoit peu atteindre. Lors aussi ceulx de Neufchastel sur le Rhein bruslerent le monastere d'Orhmarshheim. Ce mesme en la veille S. Bartholomy, le comte Raoul brusla vn des Faulxbourg de Basle appelle le Faulxbourg de la croix, lequel auioyrdhuy on nomme le Faulxbourg de S. Jehan, car les Faulxbourgs n'estoyent pas encore enfermez & enuironnez de muraille pour lors comme auioyrdhuy. Le 30. iour de Decembre audit an vn traistre liura le chasteau de Vuer, au comte Raoul, quel'euesque de Basle auoit fait bastir, auquel vn sien nepueu de par sa sœur fut prins, lequel estoit seigneur de Roettelen. L'an 1273 le comte Raoul s'en vint avec quelques gentz de cheual cōtre ceulx de Basle pour leur faire peur. Lors le bourgemaistre de la ville appelle Hugues Marschalck s'exposant indiscrettement au dangier fut occy auant que les citoyens de la ville l'eussent peu fuyure pour le secourir. Ce mesme an au moys de juillet, le comte Raoul esmeut guerre contre ceulx de Basle, & se campa apres le village Binningen sur la montaigne de S. Marguerite. Or les gentils hommes qui estoient dedans la ville, feirent plusieurs failliez avec les bourgeois de la ville, & prindrent quelques prisonniers. Et comme la guerre s'augmentoit & croissoit de iour en iour, il y auoit ce pendant beaucoup de gentils hommes & grandz personnages, qui raschoyent d'esteindre ce feu des deux costez, & appaiser les cœurs des parties. Mais auant que cela se peust faire, il vint vn ambassadeur à Basle, annonçant que les princes electeurs auoyent esleu roy des Rommains Raoul comte de Habsbourg. Les principaulz de Basle ouyantz cela, donnerent les plus grandz de la ville pour faire compagnie à l'ambassadeur, lesquelz auoyent charge de remōstrer au roy esleu la loye qu'ilz auoyent de son bon hœur. Lors Raoul se voyant contre tout espoir esleu à vne si haulte dignite, commanda tout incontinent à ses gentz de faire paix avec vn chascun, & qu'on laissast aller toutz les prisonniers sans aucune rançon. Or il fut esleu le dernier iour de Septembre & tantost apres ascouoir l'an de salut 1274. la veille des roys il fut coronne à Aix la chappelle. L'an 1277. Eberhard comte de Kibourg vëdist le droit, qu'il auoit en la ville de

Fribourg

Deux factiōs
à Basle.

Raoul cōtre de
Habsbourg es-
leu roy des Ro-
mains.

Fribourg en Nuchtland, au roy Raoul pour quatre mille marcz d'argent. L'an 1183. le roy Raoul, l'euesque de Basle, & l'euesque de Strasbourg assiegerent la ville de Porentrou, & fut rendue à l'euesque de Basle. Ceste mesme année le roy Raoul, les Bernois & Fribourgeois prirent par force la ville de Payerne, et la rauirent des mains du comte de Sauoye. L'an 1184. mourut le dernier comte de Rappersuyl, qui est aupres du lac de Zurich & ses deux gendres, a scauoir le han comte de Habsbourg & seigneur de Lauffemberg, & Vuernher comte de Hombourg furent faite seigneurs de ceste comte de Rappersuyl. L'an 1286. Henry Gurtelknopff fut fait archeuesque de Mayence, lequel auoit esté au parauant euesque de Basle & cordelier. L'an 1291. le roy Raoul mourut, & Adolfe comte de Nassau fut esleu, lequel estant tué par Albert duc d'Autriche filz de l'empereur Raoul, cestuy cy mesme Albert fut esleu roy des Rommains l'an 1298. L'an de grace 1308. le roy Albert esmeut la guerre contre l'euesque de Basle nommé Ottho de Granson, d'autant qu'il auoit achete de Vuernher comte de Hombourg le nouveau Hombourg & la ville de Liechtstal avec leurs appartenances, mais auant qu'il eut acheué ce qu'il auoit deliberé en son entendement, il fut tué par le han filz de son frere. Ceste histoire, est recitée cy dessus au catalogue des roys & empereurs Rommains. Aucuns disent qu'il y eut bien enuiron mille homme tant decapitez que penduz ou autrement tuez pour cest homicide.

La comte de Rappersuyl

Le roy Albert tué.

Habsbourg en Suyse.



Le chasteau de Habsbourg est situé pres de Kunigsteden, qui est le lieu ou Albert Roy des Rommains fut en terre, & n'est gueres loig de Bruck lequel on dit auoir esté basti par le comte Rapoton l'an de nostre salut 1070. & pour ce faire il fut ayde de Vuernher euesque de Strasbourg son frere. Aucuns escriuent aussi, que les anciens comtes de Habsbourg sont descenduz des anciens roys des Gaulois. Car le roy Clotaire eut quatre filz, a scauoir Chilperic, Heripert, Guntram & Sigipert. Ce Sigipert eut pour sa portion le pays d'Austrasie, qui est la Lorraine, de laquelle Metz estoit la principale ville, & engendra Childepert. Childepert engendra Diethpert & Theodoric. Mais il vault mieux de rediger ceste Genealogie en figure.

Clotaire	}	Chilperic	Lothaire	
		Heripert		Diethpert
		Guntram	Childebert	
		Sigipert	Sigipert.	Theodoric

On dit que de cestuy cy sont yssuz les comtes de Habsbourg.

Theodoric aspirant à la iouissance de la terre, feit mettre à mort son frere Diethpert & ses deux enfans, à fin que par ce moyen il fust heritier du tout. Mais il fust trompé de son esperance, car il fust empoisonné par sa grand mere, dont il mourut, & le filz de Lothaire nommé Chilperic eut ses terres. Avec cela Sigipert le plus ieune estoit encore de reste, lequel feit rater enuers le roy Lothaire qu'il luy donna quelques places aupres du Rhein, & Brisgoye aussi & Suggoye. Il le feit aussi duc; mais ce fust soubz condition, que luy & ses successeurs se deporteroyent du tiltre royal d'Austrasie ou Lorraine. On pense que les côtes de Habsbourg sont descenduz de ce Sigipert. Car son filz Otthbert fust le premier qui usurpa le tiltre de comte de Habsbourg. Or voicy l'ordre de la generation descendue de cest Otthbert. Otthbert, Babo, Rothicr, Ethobert, Calbon, Rampert, Guntram, Luftrid, Lutpert, Hunfrid, Guntram,

Othbert premier comte de Habsbourg.